



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
DOM NARODA

Administrativna komisija
Komisija za finansijsko-administrativne poslove
Broj: 01/7, 02/3-011-326/03
Sarajevo, 17.03.2003. godine

ZAPISNIK

1.zajedničke sjednice Administrativne komisije Predstavničkog doma i Komisije za finansijsko-administrativne poslove Doma naroda Parlamentarne skupštine BiH.

Sjednica je održana 10.03.2003. godine, s početkom u 11,00 sati.

Sjednici su prisustvovali članovi Administrativne komisije Predstavničkog doma:

Munib Jusufović, Nikola Kragulj, Hazim Felić, Ivo-Miro Jović, Jozo Križanović, Momčilo Novaković, Šefik Džaferović, Mirko Blagojević i Vinko Zorić.

Sjednici su prisustvovali članovi Komisije za finansijsko-administrativne poslove Doma naroda: Zoran Spasojević, Mustafa Pamuk, Osman Brka, Branko Zrno, Goran Milojević i Velimir Jukić.

Sjednici su prisustvovali Branka Todorović, sekretar Predstavničkog doma, Jadranko Tomić, sekretar Doma naroda, Vedran Hadžović, sekretar Zajedničke službe, Aljoša Čampara, sekretar Ustavno-pravne komisije i privremeni sekretar Komisije za finansijsko-administrativne poslove Doma naroda, Mirjana Crnjak, šef Opće službe, Jadranka Korać, šef Računovodstva i Dragica Hinić, stručni saradnik u radnim komisijama Parlamentarne skupštine BiH.

Pored uposlenih, sjednici su prisustvovali i predstavnici Vijeća ministara BiH, Ibro Čengić i Seadeta Cerić iz Ministarstva vanjske trgovine i ekonomskih odnosa i Ranko Šakota iz Ministarstva finansija i trezora.

Predsjedavanje sjednicom započeli su Zoran Spasojević i Vinko Zorić.

Na sjednici je predložen slijedeći

DNEVNI RED:

1.Prijedlozi izmjena i dopuna:

- a) Odluke o pravima poslanika i delegata na stalnom radu u Parlamentarnoj skupštini BiH nakon 05.10.2002. godine;
- b) Odluke Administrativne komisije vezane za realizaciju Zaključka o izjednačavanju prava predsjednika klubova Predstavničkog doma i Doma naroda;
- c) Pravilnika o plaćama i nadoknadama državnih službenika i namještenika u Sekretarijatu Parlamentarne skupštine BiH;

2.Razmatranje Prijedloga izmjena Odluke o organizaciji Sekretarijata Parlamentarne Skupštine BiH («Sl.glasnik BiH» br. 5/00);

3.Razno.

Na predloženi dnevni red Zoran Spasojević je uložio primjedbu, jer su članovima Komisije za finansijsko-administrativne poslove Doma naroda, neposredno prije sjednice, uručeni

prijedlozi odluka vezanih za tač.2. dnevnog reda, te se nisu mogli blagovremeno pripremiti za učešće u raspravi. Iznio je generalnu primjedbnu na ovakav način rada. Sa njegovim primjedbama bili su u potpunosti saglasni i ostali članovi Komisije za finansijsko-administrativne poslove Doma naroda.

Kako bi se izašlo iz ove situacije, jer je donošenje odluka koje se nalaze na dnevnom redu ove sjednice potrebno, zbog izrade rebalansa Budžeta za 2003. godinu s obzirom na zahtjev Vijeća ministara BiH za hitnu dostavu prijedloga, kao i potrebu odlučivanja o konkretnim prigovorima poslanika prethodnog saziva Predstavničkog doma, Vinko Zorić je predložio da se napravi kompromis. Po njemu, na ovoj sjednici bi se mogle razmatrati tačke 1. a). i b). koje tretiraju pitanja vezana za izjednačavanje plaća i drugih materijalnih prava poslanika i delegata, te pitanje koje se odnosi na prava predsjedavajućih komisija i klubova za angažiranje vozača i prava tih vozača. Tačka 2. ovog dnevnog reda bi bila razno. O drugim materijalima dnevnog reda se ne bi moglo raspravljati, jer članovi komisija nisu dobili materijal i nisu upoznati sa istim.

Vedran Hadžović istanuo je da materijali vezani za tač.1.c). i tač.2. nisu dostavljeni jer se na ovoj sjednici željela povesti rasprava o istim i potom sačiniti prijedlozi izmijena.

Šefik Džaferović mišljenja je da se na ovoj sjednici, pored prijedloga iznesenih od Vinka Zorića, mora razmatrati i prijedlog izmijene odluke vezane prava poslanika i delegata nakon 05.10.2002. godine, s obzirom da Administrativna komisija Predstavničkog doma već duže vrijeme pokušava na adekvatan način riješiti prigovore nekoliko poslanika iz prethodnog saziva. On je predložio da se odluka koja regulira ovo pitanje izmijeni tako što bi se ovim poslanicima smanjio period za primanje plaće sa dvanaest na šest mjeseci, i time omogućilo da se udovolji zahtjevima svih onih koji su to tražili. Ovim načinom Budžet bi se dijelom rasteretio, što je jako bitno u sadašnjem trenutku. Predložio je da se napravi prekid sjednice u trajanju od jedan sat kako bi se članovi Komisije Doma naroda upoznali sa predloženim odlukama i potom mogli odlučivati.

Vinko Zorić je izdvojio svoje mišljenje po pitanju izmijene ove odluke jer smatra da je ne bi bilo korektno mijenjati, s obzirom da su poslanici ranijeg saziva upoznati sa ranijom odlukom.

Pored rasprave o dnevnom redu sjednice, članovi komisija oba doma zauzeli su jedinstven stav da je, zbog većeg broja odluka koje reguliraju statusna pitanja poslanika i delegata, kao i državnih službenika i namještenika, i izmijena istih koje su dostavljene poslanicima, neophodno sačiniti integralni prečišćeni tekst.

Vinko Zorić je po okončanoj raspravi predložio da dnevni red ove sjednice sadrži dvije tačke i to tač.1. a). i b). i tač.2. razno.

Zoran Spasojević je predložio prekid sjednice u trajanju od jedan sat, kako bi se članovi Komisije Doma naroda upoznali sa odlukama koje su na dnevnom redu i potom u nastavku o njima odlučili.

Oba ova prijedloga članovi obje komisije su jednoglasno usvojili.

Nastavak sjednice počeo je u 13,30 sati.

Nastavku sjednice prisustvovali su svi članovi navedenih komisija oba doma, kao i naprijed navedeni predstavnici Sekretarijata Parlamentarne skupštine BiH.

Nastavku sjednice nisu prisustvovali predstavnici Vijeća ministara BiH.

Nastavkom sjednice predsjedavali su Zoran Spasojević i Munib Jusufović, koji je na 5. sjednici Administrativne komisije Predstavničkog doma, održanoj u pauzi zajedničke sjednice obje komisije, izabran za predsjedavajućeg Komisije.

Ad.1.

Zoran Spasojević upoznao je prisutne o prijedlozima tri odluke o kojima bi se trebalo raspravljati i odlučiti na ovoj sjednici. To je odluka o izjednačavanju prava predsjedavajućih klubova vezana za izjednačavanje koeficijenata plaća. Druga odluka o kojoj bi se trebali izjasniti regulira pitanje ukidanja prava na kupovinu mobilnih telefona, uz plaćanje naknade za korištenje istih i izjednačavanje ovog prava predsjedavajućim klubova poslanika i delegata i predsjedavajućim komisija u oba doma. O odluci vezanoj za prava poslanika i delegata nakon 05.10.2002. godine članovi Komisije Doma naroda izjašnjavali bi se pojedinačno, o svakom konkretnom slučaju. Trenutno se ne bi izjašnjavali o izjednačavanju prava predsjedavajućih klubova vezanih za pravo na korištenje usluga vozača jer o tome članovi Komisije Doma naroda nisu raspravljali.

U raspravi su potom učestvovali: Munib Jusufović, Šefik Džaferović, Vinko Zorić, Momčilo Novaković, Zoran Spasojević, Nikola Kragulj, Vedran Hadžović, Mustafa Pamuk, Jozo Križanović i Osman Brka.

Iz rasprave su generalno proizašla dva prijedloga o kojima su se članovi komisija oba doma izjasnili. Nesporno je da su svi saglasni po pitanju izjednačavanja prava predsjednika klubova poslanika i delegata i predsjedavajućih komisija oba doma, ali su utvrđena dva prijedloga o kojima se izjašnjavalo.

Po prvom prijedlogu, koji su zastupali Munib Jusufović, Zoran Spasojević, Vinko Zorić, Mustafa Pamuk, na ovoj sjednici bi trebalo donijeti odluku o izjednačavanju prava predsjednika klubova poslanika i delegata i predsjedavajućih komisija oba doma vezanih za izjednačavanje koeficijenata plata i naknada za korištenje mobilnih telefona, te ukidanje prava na kupovinu mobilnih telefona svima koji su to pravo imali, jer je o njima postignut jedinstven stav. O drugim pravima o kojim se ne bi mogao postići jedinstven stav na ovoj sjednici, kao i svim eventualnim drugim prijedlozima izmijenjena postojećih odluka, raspravljalo bi se na slijedećoj zajedničkoj sjednici ovih komisija. Prije održavanja zajedničke sjednice, sastala bi se radno-konsultativna grupa koju bi činili predsjedavajući sa zamjenicima ovih komisija. Ova grupa bi obradila postojeće prijedloge izmijenjena, kao i sva druga pitanja iz postojećih odluka za koja bi bila mišljenja da ih je neophodno izmijeniti, te izašla sa jedinstvenim stavom.

Drugi prijedlog koji su zastupali prije svega Šefik Džaferović i Jozo Križanović, a koji uključuje prvi prijedlog, ali ide i dalje, u pravcu reduciranja postojećih prava, odnosi se na odluku o ukidanju prava na vozače predsjednicima klubova i komisija oba doma, te izmijenu odluke o pravu poslanika i delegata na stalnom radu u Parlamentu BiH nakon 05.10.2002. godine, kojom bi se skratio rok na isplatu plaća sa dvanaest na šest mjeseci, i time izjednačio sa svim drugim državnim organima. Po njihovom mišljenju i ove odluke je neophodno donijeti odmah, s obzirom da postoji neriješeno nekoliko prigovora poslanika prethodnog saziva, a čiji je ishod uslovljen ovim izmijenama. Također, mijenjanje predmetnih odluka na ovoj sjednici je neophodno i zbog rebalansa Budžeta za 2003. godinu u kome mora doći do restrikcija, i čiji prijedlog hitno zahtijeva Vijeće ministara.

Kako je zahtjev Vijeća ministara za dostavu prijedloga rebalansa Budžeta za 2003. godinu dostavljen relativno kasno po mišljenju većine prisutnih, to je služba u obavezi poslati dopis u kome će tražiti prolongiranje roka za ovu aktivnost da bi prijedlog koji bude pripremljen bio i kvalitetan.

Iz rasprave je također proizašlo i pitanje primjene odluka koje se donose na ovim sjednicama, s obzirom da po mišljenju većine nije dobro uvesti u praksu retroaktivnu primjenu odluka.

Nakon rasprave članovi obje komisije pojedinačno izjašnjavali su se o prijedlozima odluka kako slijedi:

I. Usaglašen prijedlog koji tretira izmijene Odluke o načinu obračuna plaća i drugih materijalnih prava poslanika i delegata, u smislu izjednačavanja koeficijenata plaća predsjedavajućim klubova oba doma u visini od 6,00, izmijene ove odluke u smislu izjednačavanja prava na visinu naknada za korištenje mobilnih telefona predsjednicima klubova i komisija oba doma, te izmijene ove odluke i izmijene Pravilnika o plaćama državnih službenika i namještenika u smislu ukidanja prava na kupovinu mobilnih telefona svima.

Članovi Administrativne komisije Predstavničkog doma i članovi Komisije za finansijsko-administrativne poslove Doma naroda su jednoglasno donijeli ove odluke koje će se primjenjivati od 01.03.2003. godine.

Članovi obje komisije su također jednoglasno odlučili da ne bude retroaktivne primjene odluka koje se budu donosile i da se iste primjenjuju od početka ili sredine tekućeg mjeseca u kome se budu donosile.

II. Po Odluci o pravu na angažiranje vozača i naknadama za vozače članovi

Administrativne komisije Predstavničkog doma izjašnjavali su se o dva prijedloga i to:

- a) Prijedlog izmijena Odluke koje je zastupao Vinko Zorić a kojim se izjednačavaju prava predsjednika klubova i komisija oba doma u pogledu prava na vozače;
- b) Prijedlog izmijena Odluke koje je zastupao Šefik Džaferović u pogledu ukidanja prava na angažiranje vozača svim predsjedavajućim klubova i komisija oba doma.

O prvom prijedlogu Vinka Zorića članovi Administrativne komisije Predstavničkog doma glasali su tako da je za ovaj prijedlog glasalo dva člana , protiv je bilo tri i uzdržanih je bilo tri.

O drugom prijedlogu Šefika Džaferovića članovi Administrativne komisije Predstavničkog doma su glasali tako da je za glasalo sedam članova , glasova protiv nije bilo, dok je uzdržanih bilo dva. Stoga je od strane Administrativne komisije Predstavničkog doma usvojen drugi prijedlog Šefika Džaferovića o ukidanju prava na angažovanje vozača svim predsjedavajućim klubova i komisija oba doma.

Kako ovo pitanje nije bilo na dogovorenom dnevnom redu sjednice, članovi Komisije za finansijsko-administrativne poslove Doma naroda nisu o istom raspravljali i nisu se izjašnjavali na ovoj sjednici. O navedenom prijedlogu isti će se izjasniti na narednoj zajedničkoj sjednici obje komisije.

III. Po Prijedlogu izmijena Odluke o pravima poslanika i delegata na stalnom radu u

Parlamentarnoj skupštini BiH nakon 05.10.2002. godine članovi komisija oba doma izjašnjavali su se o dva prijedloga:

- a) Prijedlog Šefika Džaferovića, kojim bi se utvrdio jedinstven rok od šest mjeseci za isplatu plaća poslanicima-delegatima prethodnog saziva i to bi pravo bilo omogućeno svim onim koji to traže bezuslovno;
- b) Prijedlog po kome postojeća odluka treba ostati na snazi.

O prvom prijedlogu pod a). članovi Administrativne komisije Predstavničkog doma glasali su tako da je za ovaj prijedlog glasalo šest članova , protiv je bilo dva i uzdržan je bio jedan. Pristupilo se potom entitetskom glasanju, gdje je iz Federacije BiH za glasalo tri člana, protiv je bio jedan i uzdržan je bio jedan. Iz Republike Srpske za je glasalo četiri člana.

O drugom prijedlogu pod b)., po kome postojeća odluka ostaje na snazi izjašnjavali su se članovi Komisije za finansijsko-administrativne poslove Doma naroda tako što su jednoglasno odlučili da postojeća odluka ostane na snazi.

S obzirom na rezultate glasanja u obje komisije, postojeća Odluka ostaje na snazi.

Ad.2.

Tekuća pitanja:

Pod tekućim pitanjima Munib Jusufović obrazložio je potrebu izrade prijedloga rebalansa Budžeta Parlamentarne skupštine BiH za 2003. godinu u što kraćem roku.

Jadranka Korać informirala je prisutne da je stigao dopis Ministarstva finansija i trezora 06.03.2003. godine, kojim se nalaže da do 11.03.2003. godine dostavimo svoje prijedloge za rebalans.

Kako su se članovi obje komisije saglasili da je taj rok prekratak, uz konstataciju da iz Vijeća ministara uvijek kasno stižu slični zahtjevi, zaključeno je da se traži prolongiranje ovog roka za sedam dana. O ovom zaključku Služba računovodstva treba obavjestiti Vijeće ministara odn.resorno ministarstvo.

Članovi obje komisije su se potom dogovorili, da se slijedeće sedmice održi sastanak radno-konsultativne grupe, kako je to naprijed dogovoreno, i da se potom održi slijedeća zajednička sjednica ovih komisija.

Sjednica je završena u 14,45 sati.

Predsjedavajući
Komisije za finansijsko-administrativne poslove
Zoran Spasojević

Predsjedavajući
Administrativne komisije
Munib Jusufović